

ИСТОРИКО-РЕВОЛЮЦИОННОЙ БИБЛИОТЕКА


48715
СТ 187




Д. ФУРМАНОВ

КРАСНОЙ ДЕСАНТ

КОМИ ГИЗ СЫКТЫВКАР 1940



Д. ФУРМАНОВ



КРАСНОЙ ДЕСАНТ

КОМИ ГОСУДАРСТВЕННОЙ ИЗДАТЕЛЬСТВО

СЫКТЫВКАР 1940



Арын, 1920-өд вося август төлысын, Врангель шыбытис Крымсянь Кубаньё кымынкё сюрс медбур войскасё ассыс. Тайё войсканас командуйтис Улагай—Врангельлөн медматыса сподвижникъяс пөвсысь өти. Войскасё шыбытөмыслөн могыс вөлі сыын, медым эськё кыпөдны восстание вылө кубанскөй казачествоос, чөвтни сөветскөй власть да заводитны мореөд Крымё вуджөдлыны нянь. Белөй десант чеччис Азовскөй побережьеса кум пунктө да пыр жө мөдөдчис водзө свободнөя, өдийө, водзсасьөмьяс пөшти паныдавлытөг, өти сикт бөрын мөдөс босьтөмөн, пыр матөджык и матөджык область центрлань— Краснодарлань—локтигтыр.

Кубань волнуйтчис, тревожитчис. Щөть моз сувтисны IX армиялөн полкъясыс, кодъясөс тэрмасьөмөн чукөртөма вөлі доброволечьяс отрядъясысь: сөмын өти Краснодар тайё беспокойнөй лунъясас сувтөдис квайт сюрс рабочөй-доброволечөс! Улагаевскөй десант мунис победоноснөй маршөн да лунысь луно виччысис, мый казачество кыпөдчас да сюрсьясөн да дас сюрсьясөн, партизанскөй отрядъяс лөсьөдалөмөн, кутас локны сы динө, отсавны Краснөй армия тылъяс вылө сылы усъласьнысө, найөс грөмитөмөн да бырөдөмөн. Но сөмын сэтшөмторйыс нинөм эз ло. Гражданскөй война кузь испытаниеясөн мучитөм, Краснөй армия подлиннөй вынын да сөветскөй власть ёнлунон убедитчөм, кубанскөй казачество эз

эскы улагаевскöй затея успехлы, кутис асьсö спокойнöя да сылы отсöг вылö эз кыпöдчы. Но белöй десантсаян опасностыс век жö вöли ыджыд.

Колö вöли тэрмасыны сувтöдны сийöс, кутны, а сесся кучкыны и вöтлыны.

Август 20-öд лунъясын неприятель сулалис нин нелямын либö ветымын верст сайын областнöй центрсян—Краснодарсян. Вöли примиталöма уна срочнöй мера. Сийö мераяс лыдын—Кубань да Протока юас кузя краснöй десантöс неприятель тылö, Краснодарсян сё ветымын верст сайö, Ново-Нижестеблиевскöй станица динö, мөдöдöм; сэни сэки вöли штабыс генерал Улагайлөн, кодi командуйтис белöй десантөн.

Краснöй десантса комиссарөн назначитисны менö.

Миян вöли мог—тöдлытöгныс смертельнöя кучкыны неприятель тылö, нетшыштны сылысь наступитан инициативасö, вайöдны паникаöдз, торкны став планъяссö...

Операция удайтчис.

Кубань вылын, пристань дорын, сулалис куим пароход: „Илья пророк“, „Благодетель“ да „Гайдамак“. Пароходъясыс лёкиникöсь, важöсь, сьöкыда вöли ветлöны: öдвa-öдвa кыссьöны сизим, көкъямыс верст часнас. Тайö пароходъяс вылас да нель баржа вылын должен вöли мөдöдчыны неприятель тылö миян краснöй десант.

Кузь лун чöж рытöдзис берег вылын вöли вöвлытöм жуом: кымынкö час чöжөн колö вöли чукöртны ловъя вын, вооружитчыны, дасьтыны сёян-юан, мый позьö—дзоньтыны... Воалöны автомобильяс, скачитöны кавалеристъяс, вайöны артиллерия да öтчаяннö галдитöны, лыаа чойын ськөд ноксигтыр; gryмакылöмөн да зинякылöмөн варов сутолокаас пырöны военнöй повозкаяс нянь тырөн, фуражөн, снаряжьясөн; кодөнкө сетём сэтчö кывтём команда серти котөрөн локтавлисны красноармеец чукөръяс, збоя босьтавлисны мыш выланыс зэлыд мешökъяс да, мегырөн кусыньтчөмөн, трап вылын качайтчиг, вошавлисны пароходъяслөн осьса сьöд розьясас... Сна-

ряд тыра ящикъяссö пыртлісны кыкөн-кыкөн, а съö-кыдджыкъяссö и нель мортөн. Надзöник вöлі босьтöны, надзöник нуöны, надзöник лэдзöны му вылö — сэтшöм вöлі команда: „снарядъяс не шыблавны!“ Но сы пыдди нянь тупöсьясөн дурисны пöттöдзныс: на йöз, мачьясöс моз, шыблалісны киясь киö, зілісны мöда-мöднысö пайыны, ордйыны пельклунөн да тэрыблунөн. А мукöддырйи тайö мачьясыс чорыда зупкöбтасны вöлі ылалысьджык мортыдлы да сійö юрвомөн лэбасны мудера шпыньялöмөн виччысьысь ыліджык сусед киö. Трап вылын ва весьтын сулалысь öти татшöм ылалысь мортлысь картузсö уськөдісны веськыда юас, дружнöя сералісны, ёсялісны.

— Öд кутшöм бушков кыптис, паськөмтö чаш-йö—горзö öтик.

— Вартчы öдйö, мый видзöдан!—равзö мöд.

А коймöд сералö, пыж вылö индигтырйи:

— Эй, кучкы пелысьяснас, видлы шудтö...

Тайö случай бöрын ставныс пöрччалісны шапка-яснысö; найö, кодъяс вöліны берегын, муö чöвталісны шапкаяссö, а трап вылын да ва бердын сулалысьяс питшöгаңыс да вöнь костаныс сюялісны.

Грузитчöм муніс водзö. Кыпид стройнöй радъясөн воавлісны выль командаяс, а сэсся разавлісны, вошлісны йöз чукөрö, да тайö выल्याсыс сідзжö заводитывлісны котравны, пыртлысьсны, увгыны да серавны. Киясаныс да пельпом выланыс инструментъясөн воис рабочöй артель, коді дась вöлі удж вылö, да, шмонитигтырйи да красноармеецьяскөд сералигтырйи, вошины пароходлөн пöтлытöм вомö.

Быдлаö судзсьысь торговкаяс берегас вузавлісны кисьмöм, сочнöй арбузъяс; зонкаяс, писькөсöсь да гора гөлөсаöсь, шныряйтисны быдлаті да нюркйöдлөмөн вöзйисны папиросьяс. Öтар-мөдар бокас стенъясөн сулалісны шландайтысь йöз, нинöм гөгөрвотөг видзөдісны став тайö лөсьöдчөмсö, юасисны, видзөдчисны, исасисны. Сэсся кар пасьта быдөн паськөдлісны туйтöм сёрнияс, эскөдөмөн, мый ставсö „ас-

лам собственной синъясөн“ аддзылі. Вөліны сәні, кыдзи сійө овлывлө, и шпионъяс, но весиг и найө эз вермыны төдмавны вид сертиыс шума да восьса, но сэк жө дзик секретной лөсьөдчөмъяслысь тайнасө: мыйся суднояс, кодөс, мыйла да кытчө найө нуоны,—сійөс некод эз төд. Тайнасө ми эгө восьтөй дзикөдз весиг командной составлы, весиг ответственной работникъяслы.

Миян делөын тайнаыс вөлі вывті колана. Тайнасө колө вөлі видзны чорыда, сы вөсна мый сійө йөзаліс кө Краснодарын, кымынкө час мысти эськө воис нин Улагай штабө.

Гражданской война воясө белөй казачество зэв бура велаліс нуөдны ассыс казачөй „узункулаксө“. (Сідзи шусьө Семиречьеса киргизъяслөн обычай—быд важной событие пырысь-пыр передайтны кишлакысь кишлакө. Киргизлы воас юөр—сійө чеччыштае вөв вылө, бус-тшын пытшкын мунас равниаяс кузя, кыссяс гөра вывса трөпаяс кузя, да дженьыдик кадөн лоө нин став пустынной да дикөй округасө юөртөма). Улагай кө эськө водзвыв төдіс миян красной десант йылысь, миян став операциялы эськө вөлі грөш доныс; лөсьөдчыны миянөс паныдавны да обезвредитны миянөс сылы эськө эз вөв некутшөм сьөкылдун: юө пуктөм минаяс, камышъяс пөвсө сүвтөдалөм десяткаөн-джынойн кымын пулемёт да карточөн лыйсян орудие кык-ө-куим,—вот и пом десантлы: векныд юад сьөкыд мездысьнытө.

Тайна вөлі видзөма.

Любопытной йөзлөн юасьөмъясыс мытшасявлісны нинөм төдтөм йөз мымляйтөмъясө. А боецъяс—найө весиг эз и юасыны; буди сөмын кутшөмкө чангыль ныра да беринөсь чужөма пулемётчик Коцюбенко тувкнитас гыррдзанас суседсө да шуыштас:

— Отсөг вылө? А?

— Оз, дерт, ас йөзлы паныд,—орөдас сійөс дөзмөм суседыс.

Та вылын сёрниыс и помасьө.

Красноармеецъясѳс вѳлі чукѳртѳма молодеч вылѳ
молодеч: доброволецъяс, профсоюзса шленъяс, рабо-
чѳйяс, комсомолецъяс, партийно-мобилизованнѳй-
яс,—ѳти кывѳн, сѳтшѳм ѳѳз, кодъяскѳд позьѳ вѳлі
кутчысьны любѳй сьѳкыд уджѳ. Ставыс чукѳрмис
кѳкъямыссѳ штык, ѳкмыссѳ сабля, дас кымын пулемѳт
да кык лѳгкѳй полевѳй орудие. Отряд ичѳтик, но ѳн.

Ѳбед бѳрын, час нѳль кымын кежлѳ, ставыс нин
вѳлі эштѳма кывтѳм вылѳ: кыскисны медбѳрря сна-
ряд ящикъяс, цыртисны автомобилъяс, ѳѳртисны му-
дзѳм, быгзьѳм вѳвьясѳс.

Виччысьыштим, оз-ѳ воны медикаментъяс, то та-
шѳм случайясын тайѳ добракѳд, тыдалѳ, помыс век
нин ѳти: эз воны. Да мунны ковмис, позьѳ шуны,
вывти ичѳт запасъясѳн.

Баржаяс вылѳ, пароходъяс вылѳ кыскисны трапъ-
яс, шыблалисны кѳтасьѳм, няйт канатъяс. Бабаяс бѳр
сѳвталисны-тюрийѳдлісны мешѳкъясаныс вузавтѳм ар-
бузнысѳ, лѳпталисны пельпом выланыс да муналис-
ны. Берегыс кушмис, шландайтысьяс разѳдчалисны...
Баржаяс вылын, кытчѳ вѳлі валитѳма седлѳяс, ме-
шѳкъяс, канатъяс, турун, арбузъяс, салдатскѳй сум-
каяс, меда разнѳйсикас ногѳн пуксялісны красноар-
меецъяс: чукѳрѳн, шумнѳя, гажаа.

Ѳти баржа вылын, дзик дорйылас, кокъяссѳ ѳшѳ-
дѳмѳн, пукаліс комсомолысь Ганька, профессия
сертиыс наборщик. Сылы дас кѳкъямыс арѳс. Гань-
калѳн чужѳмыс мича, сѳстѳм, а синъясыс югыдѳсь
да сюсьѳсь. Сѳйѳ кужѳ бура ворсны гитараѳн, кок
вылас пельк, зѳв лѳсьыда ѳѳктѳ да сьылѳ гораа,
паськыда да вѳльнѳя. Комсомолсыс Ганькаѳс кѳс-
йисны мѳдѳдны студияѳ—развивайтны асьыс та-
лантъяссѳ, да со вот локтис Улагай—не нин велѳд-
чѳмѳдз, колѳ мунны воуйтны. Сѳйѳ весиг эзи мѳв-
пав сы ѳылысь—мунны сылы али кольччыны. Кодыр
комсомолын явитисны доброволецъяслысь набор, сѳйѳ
гижис первой мортъяс пѳвсысь ѳтиѳн да ни ѳти сутш
кежлѳ эз нин тѳдлы колебайтчѳм,—мѳдарѳ, став чув-
ствояснас, мѳвпъяснас, вѳлянас зѳлѳдчис шензяна,

чрезвычайной событияс виччысьомын. Фронт вылын сійо нощта некор на эз вöвлы, да фронтыс сылы кажитчö вöлі дзик фантастическöйөн.

Ганька чöваліс, сьöлаліс ва вылас да любуйтчис, кыдзи посни черияс чеччыштавлісны да ньылалісны сылысь рысь кодь еджыд дульсö.

Ганька мышку сайын, лажыньтчöмөн пукаліс матрос Леонтий Щеткин. Синъясыс, сюзьлөн кодь, гөгрösсь, кор колö—бурösсь, а кор и—лөкösсь. Шырсьöма кушöдз; паськыд восьса морösсыс гожъялöма, ыргөн таз кодь. Щеткин чöволöмөн гөгөр дзөръяліс, залпөн пуркйис махорка табак тшынсö да сизьдіс кулакнас аслыс пидзöсас.

Дзик сійо кокъяс дорын, турун чукөр вылын, шойччис кудриа сьöd юрыс Танчуклөн, збой наездниклөн, быгыд чужöма мича белорусслөн. Баржа вылын медся донаторйөн Танчукулы вöлі сылөн Юсь нима пегана вöлыс.

Мыйла сійо нимтіс сійöс „Юсь“-өн—и ачыс оз вермы висьтавны, но, дерт, сы вöсна, мый, тшöкыда кö Танчук вöлі шуалö „юсь-юсь-юсь“, шутьлалём вöлі артмö, да сійо сылы глянитчыліс: сійо пондас вöлі кияснас клопайтны, кокъяснас тапйöдлыны да йöктан сьыланкыв шутлявны. Кыкысь ранитчылём Юсь эз нин öтчyd мездыв олөмсö аслас быгыд чужöма седоклысь да лэбöдліс сійöс весиг удал кока казацкöй вöвъясысь.

Танчук куйліс восьса синъясөн, йирис арбуз корка да сьöласис.

Орчөн сулаліс эскадронной, овыс сылөн Чобот, кузь тушаа, сөнöд, ён. Паськыд Русь пасьта помысь помö, карысь карö тшыг нисьö пöt брöджитöмыс, семья пытшса лөк олөмыс—нинөм эз ви сылысь долыд, збой олан статьясö, олөм дінö кутшöмкö яснöй, торжественной отношениисö. Кажитчö вöлі, быттьö тайö мортыслөн некор эз вöвлы и абу несчастье ни шог, быттьö сылөн помтөм öти долыдлун, коді сідзи вот восьсөн и безгыльтö ортсö да тöдчö быдторйын: сійо кывъясын, сійо вöрасъясын, йöзкөд обращайтесь-

чан сылөн модаын да сын, кутшом кокниа да гажаа сийо кутчысьо быд удж бердо.

Чобот сулаліс, мыйлакө нюмъяліс,—тыдалө, аслас мөвпъясылы—да видзөдіс Кубань кузя катчөс...

Сэні жө вөлі беринөсь чужома, виж вомдора Коцюбенко. Кизьориник, дзоляник, сийо вөлі быттьо муас сатшкысьома да нөшта ёна дзольмыліс, кодыр сийо заводитас вөлі мыйкө висьтавыны аслас чирөм, быттьо му пытшсянь кылан гөлөснас. Коньөр вөлі висьо чахоткаөн. Лечитчывлөма, но этша, омөля, кызсюрө. Страшной висьомыс нюкыльтө вөлі сийөс ас улас, лөсьөдчө вөлі пөдтыны. Коцюбенко тайөс төдіс да аскежассө сийо вөвлі зумыш, шог да задумчивөй. А йөз дінын зильліс быдторйын быдөнысь вылө кывнас петны, но кызкө невиннөя, кызкө нелёкысь да сы вылө некод эз лөгасылы. Кодыр сийо зэлөдчө вөлі „гымөбтыны“, кызди сы йылысь ёсявліс ыджыд Чобот, ставныс көсйытөгныс вөлі ланьтасны, да чужом выланыс петкөдчас терпитана, рам нюмдөм.

— Од, чөрт, эн дур!—горөдіс Танчук, кор адзис, кызди Юсь лөсьөдчө вөлі курччыны орчча меринсө.

Юсь ланьтыштіс, быттьо сийөс мөвпыштиг, мый сийо кыліс, шоньд шөвк кодь пельяснас кык-ө-куи-мысь торнитіс да бергөдчис меринысь.

— Со тай,—торжественнөя явитіс Танчук.

— А мый—„со тай“? —шпыньмунігмоз юаліс Чобот.

— Он аддзы? Быттьо кывсө гөгөрвоө...

— Но, аддза: сулалө, кызди сулаліс,—эльтө Чобот.

Сутш кежлө ставныс ланьтлісны.

— Ёртъяс,—бергөдчис налань Ганька,—а збыль өмөй вөлыд велалө көзяин дінас да гөгөрвоө, мый сийо сылы шуө,— правда? А?

— Со вот көть өні...—пондыліс висьтавыны Танчук.

— Ясно,—букөстіс Чобот, сийөс торкигтырйи.—Мукөддырйи шуан, мися, кежышт, а сийо тэныд кок вылад гыжнас шняпкөбтас... ставсө гөгөрвоө, да нөшта кызди...

— Чөвлөй, ёртъяс, гөгөрвоо—суйсис Коцюбенко,—сөмын вердны колө. Тэ вердаз, тэнө и гөгөрвоо. И кывзө тэнө отнадтө. Батьлөн воронөй чибө сийөс вөлі отнассө сибөдө, а Антип суседлысь сойсө курчис, яйсө нетшыштис.. Отнас батьө вөдитчө—сыкөд, быттьө баля.

— Коді вердө, сийөс радейтө,— Коцюбенко дор шыасис Ганька.—А радейтөмсө ставөн гөгөрвооны. Мун да вот прөстасъяс чужйы вөвтө, чайтан, оз ло сылы забеднө? Кызди жө... Пырысь-пыр гөгөрвоас... А кымөс водз бурьсьсө малалышт—жуйгөдчас, виччысьө, нөшта на пө малалыштасны... Ставсө, вокө, гөгөрвоо.

— Тшук сідзи,—сы дор шуис и Танчук.

Берегтыс мунө розөвөй чышьяна ныв; сийө видзөдіс баржаяс вылө да кодөскө, тыдалө, корсис.

— Ай, Дуня-Груня,—горөдіс Чобот,—он өмөй аддзы?

Ныв нюмдыштис да мунис водзө.

— Көть туй вылө носовик козьнав,—сералис сийө.

— И видзөднысө оз көсйы,—гартыштис Щеткин.

— Тэнө аддзө да, полө...—чөвтыштис Чобот.

— Ачыл, бара, мича...

Ставөн серөктисны.

— Ганька,—шуис Коцюбенко,—колөкө гудөк вая, кутан съывны?

— Мый нө не съывны,—кута,—сөгласитчис Ганька.

Коцюбенко воши мешөкъяс да вөвъяс пөвсө да регыл воис гудөкөн. Пуксис кер вылө да, кызди полагайтчө, минут либө кык видлалис гөлөссө, нюжө-давліс нотаяс, мыйкө мургис вомгорулас, босьтліс быдсяма аккордъяс.

— Но, мый?

— Мый гажыл...

— Вай—„За острова на стержень...“

— На стержень,—веськөдіс Ганька.—Сөмын отсавны—отнам ог понды!..

— Заводит!—отпырйө сөгласитчисны Чобот да Танчук.

Ганька горөдіс сьывны. Первой ньөжйө, бытьё видлігмоз да лөсьөдчигмоз, сэсса пыр гораджыка, гораджыка, гораджыка...

Сійө кыпөдчис нин кокъяс йылас, бергөдчис юлань банөн да сьыліс эз йөзыслы, а Кубаньса гыяслы.

Гудөк ворсіс лёка; Коцюбенко пөшти дзик оз куж вөлі ворсны, но деласө тайө эз торк. Кор Ганька вөлі сьывны босьтө, Коцюбенко ланьтыштлывліс, Ганькалысь эзысь шы гөлөссө кывзіг, а кор сійө көйыліс сетны гудөклы вөля, вөлі сёр нин: ёртъясыс босьтасны вөлі гымыштан гөлөснаныс куплетыслысь мөд джынсө да эз и сетлыны Коцюбенколы петкөдлыны асьсө кызди колө... Ставыс нин баржа вывсьыс чукөртчис сьылысьяс дінө да сөльнитчисны накөд общөй сьыланкывъяс... Ганька помалө да мөдпөв сьылө первой куплетсө:

Из-за острова на стрежень,
На простор речной-волны...

Бушковөн нетшыштчисны ён, лөсьыд гөлөсьяс:

Выплывают расписные
Стеньки Разина челны...

Тайө здукнас сьылысьясөс катовтыштіс өтарыв. Пароходъяс—төдлытөг, шумиттөг, тутсытөг—вөрзисны места вывсьыныс, йөткыштчисны берегысь, мөдісны кыскыны ас бөрсяньныс баржаяссө...

Бытьё ыджыдсьыс-ыджыд чудовищяс, кузьлентаөн нюжөдчисны ю кузя суднояс. Тайө зрелищын өтпырйө вөлі мыйкө и торжественнөй тор и шуштөмтор: отряд кывтө неприятельяс тылө.

Та йылысь некод эз төд, но ставыс нин чувствуйтісны и гөгөрвоисны тэрыба мөдөдчөм серти, мый лоас мыйкө зэв важнөй да төдчанатор. Төждысьтөм гажлун, коді вөлі баржаяс да пароходъяс вылын, кор найө сулалісны берег дорын, өні сетіс асьыс местасө кутшөмкө трезвөя зэлөдчөм да сосредоточеннөй состояниелы.

Пароходъяс вылын, көні операция йылысь вообще төдісны баржа вылын дорысь унджык, ставөн кайис-



Ставыс нин баржа вывсьыс чукортчис сылысьяс
дінö да сөльнитчисны нақод общöй сыланкывьяс.

ны вылысса палуба вылө да, өтар-мөдарө индалөмөн, арталісны, кытөні қуылө сійө либө тайө нюр, кыті мунөны туйяс, трөпаяс...

Кубань кытшлаліс да гартчис нюдзвиж берегьяс костөдыс. Ставыс төдса, сэтшөм помнитана, исторической местаяс! Тайө берегьяссө пасьтала киськалө-ма вирөн: тани быд кипыдөс пасьта му мырддялісны пөсь бойөн царской генеральяслысь миян красной полкьяс.

Водзө, пыр водзө кывтө отряд...

Паськыд съөд чутьясөн ыліникын паськөдчөмаөсь станицаяс. Вөр абу—гөгөр мунөны паськыд, өні нин куш, вундөм муяс.

Көнсюрө туруныс вывті сочной да веж—тайө нюрьяс; мукөддырйи воласны камышьяс; но тани найө нөшта этша на—найө лоасны водзын, локтан войө; мукөддырйи югнитлас свинеч рөма эжвылыс лиманлөн—сы гөгөр йөжгыльтчөмаөсь, ичинь водз челядь моз, чукльөсь росьяса посныд, мисьтөм кустьяс.

Пыр улөджык и улөджык өшөдчис август төлысья пемыд вой. Со нин и берегьясыс вошины; на пыдди дорьяс кузяыс колины сөмын кутшөмкө өтсеяма гудыр визьяс: турун ни, камышьяс ни, кустьяс ни—нинөм оз тыдав. Ньөжйө мунө суднояслөн караван. Водзвылас, быттьө лөк көзяин водзын пон, быд бокті гөгралө да кытшлалө моторной пыж; сылы сетөма мог ставсө аддзыны, ставсө кывны төдны ставсө, мый виччысьө миянөс водзын, а медсясө—видзөдавны, абуөсь-ө дзеблалөм минаяс.

Тайө первойя войыс нөшта эз на повзьөдлы ыджыд опасностьсөн: колө вөлі асывводз кежлө воөдчыны Славянской станицаөдз, коді, ва кузя кө лыддыны, Краснодарсянь сизимдас-көкьямысдас верст сайын. Славянскын—миян йөз; берегьясыс, сідзкө, дзик станица дорөдзыс долженөсь лоны миян жө. Но, тайө бөрья чайтөмыс вермис лоны и өшыбитчанаөн: местаяссө, став гуся туйяссө да камышевой

трёпаяссё зэв бура тёдёмён, неприятель тшоқыда чечыштлывліс миян тылө да вөвлі сәні, кытөн сійөс весиг эз виччысьны. Сідзи найө вермисныи өні чечыштни тайө берегыяс вылө, кодъяс дінті ми вөлі кывтам. Но лөнь: ни лыйсьөм, ни шум. Сөмын кылөны пароходъяс көльөсаяс улын валөн польскөдөмъясыс да гежөдика гөрөктывлө беспокройнөй суседнас өбөдитөм вөв.

Пароходъяслөн палубаяс кушмисны—йөз лэччалісны каютаясө. Пукалісны чөва, сёрнитны эз кыкы. Мукөдъяс вугралісны, быд тракнитөмысь садмывлөмөн; мукөдъяс пукалісны, синъяснаныс пемыд стеклөясө сатшкысьөмөн да куритісны өти чигарка бөрся мөдөс. Баржаяс вылын чөв жө: седлөяс дінө, мешөкъяс дінө, повозкаяс дінө йитшкыльтчыштөмөн либө мөда-мөд дінас ляскөдчөмөн, узьөны боецьяс. Синъяснысө куньөмөн мөда-мөд вежмөнысь нискөны да шкоргөны. Мыйкө корскө да шкоргө пароходъяс пытшкын, но сэтшөм видзчысьөмпырысь, сэтшөм надзөник, мый өдвакө кылө берег вылас.

Пыр водзө и водзө кывтө миян краснөй караван.

Кор сук пемыдыс кутіс кыпөдчыны мусяньыс, а асыввылын муртса на саякмуныштіс кыа, ми воам вөлі Славянскөйө.

Дзик станица дінас, ю вомөн,—зэв ыджыд көртуй пос. Сійөс взорвитісны белөйяс, кор казялісны, мый налөн положение безнадежнөй. Чудовище бузгысис ваас, но дорса пролөтьясыс устоитісны да пельөсөн нөрөдісны пыдөсас куйлан шөр пролөтсө. Тайө дорса пролөтьяс увтіыс и колө вөлі нуөдны миянлысь суднояс. Мог абу кокни, өд юыс тані ёна ямөма. Уджыс тырмис дзик рытөдзыс; мерайтлім, видлалім, прөверайтім быд оськов.

Бөръяпом, ставыс дась кывтөм вылө. Меститчалісны виль боецьяс, кодъясөс ми босьтім Славянскөйысь. Öні нин ставыс чукөрмис сюрсөн джынйөн кымын морт. Сөвтыштім мыйсюрө припасъяс пөвсысь—и бара туйө. Десантөс юким куим эшелон вылө. Мунигкежлө быд эшелонө пунктім асьыс на-

чальникос; висьталім, кутшом лоас водзо туйыс, мый позо войнас виччысьны.

Муртса сомын пемдіс, сэтшом жо надзоник да шумтог, торытъя моз, йоткыштчисны берег дорысь сьокыд пароходьяс. Станицаын некод эз казав муннымос: кузь лун сийо воли войска цепь кытшын—ни станицао, ни сетысь некодос некытчо оз воли лэдзны. Тайна и татон воли видзома. Тайна спаситис олмосо красной десантлы.

* * *

Славянскойсянь Ново-Нижестеблиевскойодз, кони сулаліс улагаевской штаб, Протока ю кузя лыддысьсьо верст сизимдас. Мунны колө воли быдса вой. Кадсо воли арталома татшом ногон, медым чеччан местао веськавны юдгон, руа дырйи, кор ставыс на вейома кыз унмо. Врагос колө воли суны немтодлытогыс, явитчыны дзик виччысьтог.

Тайо боръя мучительной войсо некор не вунодны походса участвуйтысьяслы. Кор локтим Славянскойодз, тани век жо волины асланым местаяс, да неприятельлы пырны татчо воли сьокыд. А вот они Славянской сайын—лиманьяс да плавнияс повсын, посныдик кустьяс да камышьяс повсын, кодьясон шебрасьомаось васод увтас берегьясыс,—сэни быдлаын жуоны врагьяслон дозорьяс да разъездьяс. Положение вывти опасной. Татшом положениеын и мераяс примитавны колө воли особеннойясос.

Пароходьяслон кывтны петтодз на берег вылын чукортчисны отрядса руководительяс да советуйтчисны видзчысьом кузя быть колана мераяс йылысь.

Со сулалө Ковалев, десантса командирьяс пиысь оти. Контузитчомысь сылысь вежыньтома чужомсо, бокө бергодөма чужом лысө, кыскөма вылыс парсо. Не помнитны Ковалевлы, кымын порйө сийо вовлома бойясын, кымын порйө ветлома атакаө. Весиг не лыддыны и сийос, кымынысь ранитчывлома: не то дас кыкысь, не то дас витысь. Ме ог тод, эм-өсылон ловья места, кытчо эськө эз шлэпнитчыв пуля,

эз кучкысь снаряд тор либө качөм му. И кызди сөмын ловйөн коли мортыд—не гөгөрвоны. Омөлик, висьлөс, быгыд, тойтмөм чужөма, кодөс босьтөма рама пытшкө небыд шөвк кодь тошкөн, сийө петкөдлө аснас истинной воинлысь образец любой, медся рискованной удж вылө аслас векъя дасьлун сертиыс, аслас дисциплинированность сертиыс, личной мужество да благородство сертиыс. Дзик нин отставкаын лыддыссьөмөн, сийө некыз эз вермы кольччыны боевой обстановкыась ортсын да öнi дзик ас вöлясыс муно вöли мянкөд опасной делө вылө.

Ме адзыли сийөс сэсся бойын—сэтшөм жö гажа лада, векъя кодьыс. Медыджыд уджсö сийө вöчас вöли вежсьывтөм хладнокровной да висьталас сийө удж йывсыс, быттьö нинөм абу йылысь, кодi внимание доныс оз сулав. Татшөм Ковалевъясыд, муртса тöдчанзöсь, но подлинной геройяс, унаөн Красной армияын.

Ковалевкөд паныд сулалiс артиллерияса командир Кульберг. Матөджык ме тöдмалi сийөс сөмын бöрынджык, пöсь бойын, кор мян ставыс нин вöли пунктöма картi вылө; сэтшөм чорыдлун вылө, сэтшөм настойчивойлун вылө позьö вежавны: биа из, а абу морт. А видзөдлыны—быттьö шынеля кöза, да и гөлөсыс кöзалөн кодь: дрöжжитö, женгö.

Вöлины нöшта кык-куим командир. Сöветуйтчисны эз дыр: пöшти ставсö вöли решитöма и думайтэлöма нöшта луннас на.

— Корöй Кондраöс!—тшöктiс начальник.

— Кондра! Кондра! Кондра!..—мунис вомысь вомö.

Тэрыб чорыд кокшыөн матыстчö Кондра:

— Вои. Мый тшöктанныд?

Любö видзөдлыны braveй молодец вылө: синьясыс ломалöны отвагаөн, а кийс сiдзи и лэччывлө чеченской чукля сабля пуртос вылө. Дзик балябöж йылас гöна еджыд шапкаа; воссьöма сöстөм, джуджыд кымөс, нöшта сөдзджыкөсь лоины сөдз, тэрыб синьясыс.

— Кывзы, Кондра,—шуйс начальник.—Тэ дол-
жен тōдны, мый делōыс, код вылō ми мунам,—ōпас-
ной делō. Плавнияс пасьта белōйяс. Кытчō кōть
видзōдлы—камышъяс пōвсын, видзьяс кузя, лиманъ-
яс весьтын,—налōн быдлаын сулалōны, ветлōны до-
зоръяс... Тōдан тэ тайō местаяссō?

— Но кодī нō найōс тōдас, ог кō ме?—жермуни
Кондра.—Дзик Ачуевōдз, мōреōдз—сэтōни ставыс
нюръяс, став туйясыс тōдсаōсь... Ветлывлī, тōда...

— Да тōдан кō, сīдзкō со мый: миянлы некор
нōрōвитны... Суднояс дасьōсь кывтны. Тэныд колō
босътны десятка куим-ō-нель медбур ёртъяс пōвсысь
медся смельясōс да и местасō тōдысьясōс,—босътны
найōс сьōрсъйд и—фью...

Начальник шутьōстīс да чуьнас индīс кытчōкō
водзō сьōдас.

— Гōгōрвоа...

— А гōгōрвоан кō—и тōлкуйтны сэсся ог кутōй.
Босътан офицерскōй погонъяс, кокардаяс, югыд
кизьяс: менам ставсō дасьтōма... А, нолтō!—шыасис
сīйō сулалысьяс пōвсысь ōти дīнō.

Сīйō югнитīс пароходлань да регыд воис сэсь
дзоляник ёкмывлōн.

— Босът,—сетīс начальник Кондралы ёкмывль-
сō.—Сōмын ōдйōджык. Вōччыны кутанныд онō та-
нī—а кор муныштанныд. Торйōд надёжнōйджыкōс—
сīйō мунас шуйга берегōдыс, сетан сылы морт дас
кымын: сэтī абу сэтшōм ōпаснō. А ачyd веськыдвы-
лō. Видзōдав, эн проморгайт. Мыйкō кō неладнō—
тōдан миянлысь сигналъяссō? Берег дīнтысджык
туйтō кут...

— Гōгōрвоа...

— Сīдзкō тōдывв босът: он кō весав берегъяссō,
миянлы бōрлань не воны...

— Так точно... Позьō мунны?

— Мун... Да ōдйōджык...

Кондра мый ōдйō воис, сы ōдйō жō и мунис бар-
жа вылō. Регыд кутīсны петкōдны вōвьясōс. Сэсся
чукōртчисны чукōрō. Тōлкуйтыштīсны минута мында.

юкисны кык партия вылө... Да тыдалыштис, кызди тэрыба рөдтөмөн мунис Кондра, а сы бөрся морт кызь вит кымын боец.

Мөдарлань торйөдчис морт дас вит кымына группа, да сийө юрысь ме төді Чоботөс: ён, паськыд, багатырь моз, сийө пукаліс ыджыд воронөй вөв вылын. А орччөн ськөд Ганька—омөлик, нюдз, быттьө тополь пулөн ув. Став суднояс вывсянь красноармеецъяс чөва видзөдісны ылысмысь ёртъяс бөрся: эз юасыны, эз допытывайтчыны—ставыс вөлі гөгөрвоана и сідз. Эз вөв ни шутка, ни серам.

Мунис Кондра верстөн-джынийөн мында, лэччис вөв вывсьыс аслас ёртъясыскөд тшөтш да шуө:

— Со тані рөзберитөй, кодлы мый воас, сөмын чинъясөн эн мырддысьөй,—да и сетіс налы ёкмыльсө.

Красноармеецъяс разисны сийөс, перйисны сэсь белогвардейскөй вөччанторъяс—погонъяс, кокардаяс, кизьяс, лентаяс,—а вит минута мысти отрядтө вөлі не төдны.

Ачыс Кондра пөртсис полковникө да, кор вөлі паръяссө дундөдас, лоө вөлі тешкодь да лөсьыдтөм, быттьө павлин перөа рака.

Пемыдыс эз на нылышт рытъя рөмыдсө, но туйсө казавны позьө вөлі сьөкыда нин. Пуксялісны бара вөвъяс вылө, вөрзьөдчисны.

— Хлопцы,—велөдіс Кондра,—не куритчыны, го-раа не кызны—быттьө ми дзик абуөсь.

Мунисны шынитөв. Муртса кывмөна польсйөдлісны велалөм вөвъяс васөд да зыбуч му вывті. Муртса сөмын найө заводитасны вөйласьны—веськыдыв и шуйгавыв разөдчасны верзьөмаяс, корсьөны вөлі, көні топыдін, көні прамөй туй. Тадзи мунисны час, кык, куим... Некод эз паныдась; камышъясын и плавниясын—некутшөм олан признак. Сьөд, сук пемьдөн шебрасьөмаөсь равниаяс; нюръяс весьтын—сьөкыд дзор ру. Вот паныд кылісны кутшөмкө аслыспөлөс шыяс, кодъяс өнөдз эз вөвны: тадзи гувгө мукөд дырйи телефонной сутуга, а гашкө, тайө көнкө ылын бузгө шор...

Кондра сувтіс, сувтісны и ставныс. Сійö бергö-дыштис пельсö сыладор бокö, кодарсянь кылісны шыяс, да ясны öні янсöдіс морт сёрнилысь нума-намакылöм.

— Лöсьöдчыны!—сетöма вöлі гусьöник команда.

Кияс усины шашкаяс вылö. Мöдöдчисны надзö-ник мунны водзö... Лöсьыда нин вöлі тöдчöны квайт верзöмалөн йöрышъясыс—найö локтöны вöлі весь-кыда Кондра вылö.

— Коді локтö?—кыліс сыладорсянь.

— Сувт!—командуйтіс Кондра.—Кутшöм час-тьысь?

— Алексеевецъяс... А ті кутшöмысь?

— Комендантскöй команда Казановичсянь...

Верзöмаяс матыстчисны. Аддзисны погонъяс-сö Кондралысь да пыдди пуктöмпырысь вöчисны под козырёк.

— Разъезд?—юалис Кондра.

— Так точно, разъезд... Сöмын—коді нö таті войын мöдöдчас?

— Некод абу, асьным мунім бур дасвит верст.

Сэк кості мян верзöмаяс сувталісны дзескыд кытшöн неприятельскöй разъезд гөгөр...

Нöшта некымын вопросъяс да öтветъяс; тöдма-лім, мый водзын локтö выль дозор. Ланьтыштисны. Лöньлöмыс вöлі öти сутш кезлö. Кондра гикнитис,— и друг югмунісны шашкаяс... Вит минута мысти ста-выс вöлі эштöма.

Мунісны водзö, да выль дозорлы вöлі сэтшöм жö пом...

Тадзи мужественнöй Кондра войбыдөн кералис квайт неприятельскöй дозор да ни öти мортлы эз лэдз пышйыны.

Чоботлы паныдасьліс жö кык дозор—налөн судь-баыс татшöм жö вöлі; сöмын мöд дозорыскöд мурт-са нелючки эз су: раненöй белöй верзöмалөн вö-лыс чепöсйис да тайкö эз ну сійöс. Лои сы бёрся пуля лэдзны,—сійö уськөдіс пышйысьöс му вылö.

Тайё лыйёмсё Чоботлысь ми кывлім пароход
вывсянь да чошкөдчим: чайтім, мый лыйсьём пансьё,
мый дозорлы удайтчис мунны, мый враг өдийё при-
митас кутшөмкө выль мераяс...

Ми ставным сулалам вылыс палуба вылын да вич-
чысям... Вот-вот кыласны сигналъясыс Кондралён
либё Чоботлөн. Но, эз, нинём эз кыв, берегъяс вы-
лын гуын кодь чөв.

Войбыд асывводзөдз дежуритім вылыс палубаяс
вылын. Пыр кажитчис, быттьё камышъяс пөвсын код-
кө вөрөдчө, быттьё зинякылө оружие, весиг быттьё
кылө пөдөм гөлөса да видзчысяна вашкөдчөм сёр-
нитөм. Татөні берегъясыс матынөсь, да позьё аддзы-
ны берег дорса камышъяслысь леган-довкъялан гу-
дыр поле.

— Быттьё со мыйкө...—заводитліс өти, берег-
ывса пемыдас видзөдігтыр да суседыслы индігтыр.

— А абу,—вочавидзліс мөдыс,—прөстө...

Но сэсся, сюсьджыка видзөдөмөн, шуис водзө:

— А гашкө... Да, да... Быттьё и збыль со...

— Тэ нө эсийё шуан, штыкъяс моз тай вөрөны?

— Да, найөс... Видзөд жө прамөйджыка... Сөмын
мый нө тайё? И тані, видзөд, и этані, и водзө пыр
сийё жө штыкъяс...

— Э, да өд тайё камышъяс вөрөны...

И дугдылісны берег вылө видзөдөмысь, но сө-
мын сутш кежлө, а сэсся—бара, бара штыкъяс, пө-
дөм гөлөса да гуся сёрни, стальлөн лязгакылөм...
Войыс тырөма повзьөдчан шаракылөмъясөн да шы-
ясөн... Быдөн зильёны лоны спокойнөйджыкөн, но
спокойствиеыс абу. Позьё видзны спокойнө и чу-
жөмтө, и гөлөстө, и вөрөстө, но думыд биависьёмын
моз чеччалө, чувствуйтанногыд вывті нин ёсьмөма.
Сёрнитім сы йылысь, мый колө керны, камышъяс
пөвссянь кө друг воссяс-сярөбтас пулемётнөй би.
А позьё өд и ыджыдджыктор виччысьны: вермасны
сэн лоны и пушкаяс да бостеясны миянлы лыйлыны
картечөн... Мый керны сэки?

Думайтїм быдторсö. Сöмын яснö вöлі быдöнлы, мый сэки мезмöм вылö этша нин вöлі надея: векныд юад не бергöдчыны укшаль суднояслы, а мунны водзö лои эськö нöшта пыдöджык кулан пекляö юртö суйны. Но мый инö керны?

Сöгласитчим сідзи, мися, ковмас зїля домасьны, лэдзавны трапъяс да уськöдчыны косьö.

Кокни шуны—„уськöдчыны косьö“. Берег дорас миян матыстчигöн на эськö, неприятель вермис ставнымöс шырыштны пулемётнöй биön: камышъяс пöвссянь сылы зэв лöсьыда тыдалö, кутшöм топыда, чукөрөн сулалöны баржаяс вылын миян боецъяс.

Найö эз жö узыны: öнi, Славянскöйсянь муныштöм бöрын, туй вылын нин командиръяс объяснитисны налы водзö лоан операциясö сійö став сьöкылунъяснас да опасностьяснас, кодъясöс сöмын позьö вöлі виччысьны. Кысь нин сэнi вöлі узыны—татшöм войснад унмыд оз лок; синъясыд асьныс чашкалöны, да видзöдласъясыд сатшкысьöны чöволан пемыдас.

Мöда-мöд дїнас ляскысьöмön, быд помын найö нуöдїсны оръясяна, гусьöник беседа:

— Кöдзыд...

— Пöляв кулакад—пöсь лоö.

— Ачyd пöляв... Вот кыдзи эсїйö пöльыштас—пöжалуй, и збыль шоналан,—и красноармеец довкнитис юрнас береглянь, неприятельлянь.

— Матын сїйö сэтöнi?

— Кодi сїйöс тöдас... Шуöны, пасьтала пö берег кузяыс ветлö... Да со эстöнi, камыш пöвсаскуйлö... Миян мунисны корсьысьны...

— Кондра муни?

— Сїйö. Кодлы нö сэсся? Став розьяссö сесь тöдö...

— Зонмыд—голова...

— Но, да... Ми ськöд нöшта ерманскöй вылын на вöлім—куим Егорейöс и сэки чужтїс.

— Колö лоны, некод абу—шынитöv мыйкö...

— Али тэныд равзыны кутасны: вот чикнитасны берегсянныс—да и пом.

— Абу, шуа, мися,— Кондрасяньыс нинӧм оз кыв.

— А кызди нӧ тэ кылан? Ироплан, али мый, воас?

— А мый нӧ тайӧ иропланъясыс, вокъяс, некӧн абуӧсь?

— Кызди абуӧсь? Лэбалӧны... Найӧ куйлӧны кар сайын, а лэбалӧны, кор муртса шонді петас, сійӧс и он аддзы.

— Со вӧлӧм... А мыйла нӧ найӧ лэбалӧны?

— Коді найӧс тӧдас: пар, навернӧ, лэдзӧны.

— Тэнад табакторйыд сьӧрад?

— Да куритнытӧ оз позь—тэныд ӧд ротнӧй висьтавліс.

— Да вернӧ... А кулакӧ, ме чайта, прӧйдитас, оз тыдав...

Воча шуисны пырысь-пыр жӧ куим-ӧ-нель гӧлӧс. Куритчыны эз лэдзны.

— Регыд воам?

— Кытчӧ?

— А кӧні чеччыны ковмас..

— Мыйӧн сувтам—значит, и воим.

Татшӧм дженьыд, лабутнӧй сёрнияс мунісны став баржаяс вылын.

Ӧти вопрос кутчысьӧ вӧлі мӧдӧ, тшӧкыда дзик случайнӧя, кывйысь-кывйӧ...

Пыр сэтшӧм жӧ гусьӧник, пӧшти шытӧг, пемыд-нас кывтіс суднояслӧн караван. Кыа петігӧн, кор нӧшта сук кымӧрӧн на сулаліс ю весьтса сьӧкыд ру, медводдза пароходыс домасис берегӧ... Ӧти бӧрся мӧд матыстчалісны суднояс да сатшкысялісны берег бердса камышъяс пӧвсӧ да кузь турун пӧвсӧ.

Станицаӧдз коли сӧмын кык верст. Кустъяс берег пасьтаыс эз вӧвны, да вӧсьӧ вӧлі паськыд луд, кӧні лӧсьыд вӧлі ректысьны да войскалы стрӧитчыны. Тайӧ местаяссӧ тӧдысьяс шуӧны вӧлі, мый ректысьӧм могысь удобнӧйджык пристань оз сюр, мый тайӧ лудыс—Славянскӧйсянь татчӧдз локтігӧн ӧти и эм.

Удала шыблалім трапьяс, да шензымөн өдйө ставным лоим берегынөсь. Кыдзи сөмын сувтім чорыд му вылө, лолыштім свободнөя да долыда: өні—абу ва вылынөсь, өні пода стрелокьяс и верзөмаяс кужасны ас вөсна сулавны да прөста олөмысө оз сетны! Тюрөдисны пушкаяс, петкөдисны вөвьясөс. Командирьяс сувтөдалисны частьяссө. Быд помө гөниталисны разведчикьяс. Нервничайтөм быри да сетис ассыс местасө чорыда, серьёзнөя зөлөдчөмлы. Ставыс вөчсьө вөлі сэтшөм тэрыба, мый лоө вөлі сөмын шензыны. Боецьяс гөгөрвоөны вөлі, кутшөма тайө тэрмасьөмыс колө вөлі та-тшөм обстановканы.

Кык-куим велөдана совет и—марш местаяс вылө! Ставыс нин дась. Сетөма команда мунны наступление вылө. Водзвылас рөдйөн мөдөдчис кавалерия. Вөрзисны цепьяс.

Ганька пай вылө уси мог метеор моз югнитлыны станицаса уличьясті, ставсө видзөдлыны да и висьтавыны. Лэбач моз сийө лэбыштіс сук садьяс дінті, ставеньясөн вевттьөм өшиньяса керкаяс дінті, буснитіс главнөй площадь кузя, вичко дінті да, станица пасьта кытшлалөм бөрын, воис бөр да висьталіс: „ставыс пөрадокын“. Кодыр кутім гөгөрвоөдны „ставыс пөрадокын“ тайө төдчана кывсө, югдіс, мый сиөм станицаыс кыз унмөн узьө. Сийө нинөм оз виччысь, нинөм оз төд. Көнсюрө пельөсьясын вугралөны вөлөм часөвөйяс, унзиль синьяснаныс найө видзөдлөмаөсь скачитысь Ганька бөрся да чайтөмаөсь сийөс, тыдалө, позиция вывсянь нарошнөй-өн... Олысьясыс узьөны на жө вөлөм—сөмын гежөдика веськавлывлөма ведраясөн труба дорө кыссьысь кутшөмкө гөрбыльтчөм старука-казачка. Аддзылөма Ганька и аэроплан—сийө вөлөма площадь вылын, вичко дорас. Аддзылөма өти ыджыд керкадорса потшөс сайысь мотоцикл да кык автомобиль.

Кор сийө, ловтырөмөн да тэрмасьөмөн, ставсө тайө висьталіс, дзик яснө вөлі, мый ми локтам врагөн казаятөмөсь.

Арталёма вöлі друг уськöдчöмөн кучкөм вылö. Матыстчыны колö вöлі ньöти виччысьтöг, атакуйтны пель чунавмөнъя öдийö. Сийö жö кадö колö вöлі вöчны бура вооружитчöм, озыр артиллерияа гырысь частьяслөн уськöдчöмлысь впечатление. Мöд боксянь, колö вöлі котыртавны засадаяс, виччысьтöм паныдасьöмъяс, тырвийö кытшалöмлысь серпас да неприятельлысь кыпöдны положениесö тырвийö безнадежнöйөн чайтöм. Виччысьтöм кучкөмлөн эффектис тані должен вöлі ворсны торъя нин тöдчана роль.

Луд помас, дзик станица улас кольёма нöшта вöлі камышьяслөн дзонь полосаяс. Таті писькöдчыны вöлі оз позь, да лои чукультны, мунны кытшолла туйöд. Ректысьöм, чукöртчöм, лöсьöдчöм, станицаöдз мунöм босьтис час кык кымын. Станица век на оз садьмы. Ру вöлі весассьö, но ньöжйö, да ю весьтас век на коли öшавны сэтшöм жö сук да еджгов кымөрөн, кызди и войдөр. Протока ю дзик сикт весьтöдыс кежö вöлі рытиввывлань направлениеын да нуö Ачуев вылö, морелань. Берег пёлöныс, станицаöдз да станица сайті, мунö вöлі миртуй. Тайö туй кузяыс и мөдöдчис миян войскалөн юкöныс. Татчö жö, пыдöджык, Чоботөн юрнуöдöм улын, засадаас мөдöдöма вöлі кавалерийскöй эскадрон, кодлы сетöма вöлі мог керавны неприятельöс, сийö кө, паника дырйиыс спаситчöм могысь мөдас пышйыны Ачуевлань.

Десантлысь частьяссö мунигас вöлі расположитöма сэтшöм ногөн да сідзи арталöмөн, медым эськө тшöтш вермисны воны станица дорöдз разнöй боксянь да тшöтш жö вермисны восьтыны би.

Сэки жö должен вöлі заводитны gryмкйöдлыны и артиллерия.

Сизим час гөгөр асывнас, кор частьяс дзик бердöдыс матыстчисны станица дінö, кыліс пушкаысь медводдза лыйöм. Сэссия воссис пель чунöдана канонада. Пушкаясысь gryмкйöдлöмъяс öтлаасисны пулемётнöй да ружейнöй бикöд. Частьяс мунисны

водзё. Неприятель, мыйын делёыс гөгөрвотөг, дзик воши да некыз оз путьмыны котыртны дорйысь-
ём. Миян десант вылө восьтём пöрадоктём би эз
вöч пöшти некутшём вред. Миян красной пехота
зырсьö пыр водзё да öти бöрся мөдöс босьталö
станицаса уличьяссö. Станица шöрас лон зурасьны
дорйысьём вылө дась неприятелькөд.

Миянлысь батальонъяс таті нуөдö вöлі Ковалев.
Сійö зэв бура гөгөрвоö вöлі, кутшём öпаснö öнi
жуйялөмыд. Сійö вöлі төдö, мый паникаыс неприя-
тельскöй радъясын вермас сайкавны и сэки неприя-
тельöс вермыны оз ло кокныд. Татшём здукъ-
ясын тырмана овывлө öти сюсьджык командир,
кодi эськö властнöя сувтöдiс пышйысьясöс, кодi
эськö здукөн гөгөрвоис, мыйын делёyslөн вужйис,
да лючки казялiс, кысянь да мый колö заводитны—
тайö жö здукын. Паника векджык содö случайнöй
да паныд мунан приказъясысь, кодъяс сетсьöны
кыздсюрö да пöсьвылысь: öти приказ вежсьö мө-
дөн, падмөдö, дзугö делöсö. Именнö плантөг шыб-
ласяян татшём стадияын вöлі öнi неприятель. Но вöли-
ны нин сылөн котыртчыны заводитчан медводдза
признакъясыс. Колö вöлі кыйыштны кадсö.

Ковалев сетö команда мунны атакаö. Ачыс вин-
товкаөн киас кольччö шуйгаладор флангас. Весь-
кылладорас муно Щеткин. Сылөн сэтшём жö пась-
кыда осьсаöсь синъясыс, кызди эстөнi, баржа вы-
лын, сылiгөн. Сöмын öнi наын öгралö лөк, немжа-
литтём зверлөн кодь би. Ставнас кымөссö, ныргöч
дорөдзыс, вундöма джуджыд чукур. Щеткинлөн
сьöкыд осьласыс—сійö быттьö и оз мун, а тшөк-
тём серти трамбуйтö, топөдö мусö. Сы дiнын мун-
ны спокойнö—чужö кутшөмкö чорыд эскөм, мый
сыкөд он вош, мый Щеткинöс оз позь уськөдны
кок йылысь. Команда сійö сетö дженьыда, яснöя,
скöра...

Неприятель чукөртчöма садъяс дiнö. Вöлі төд-
чö, мый сійö абу на стрöитчöма колана ногөн, мый
абу на сюрöма вынйöра, котыртысь ки, кодi вермис

эськө тайö чукөрсө пöртны стройнöй, зумыд цепьясö.

Зильджыка, зильджыка... Тайö чукöрыс динö быд-
ласянь—сарайясянь, керкаясянь, садьясянь да
градйöрьясянь, уличьяс кузя и улич пельöсьяс-
ти—котөрөн воалöны вöли салдатьяс. Чукöрыс содö
миян синьяс водзын. Сийö паськөдчö нин, заводитö
ладыв воны. Нöшта минута—и ми встретитам
стальной штыкьяслысь стен, инман да бырöдан би-
лысь море...

— Ура!—юковтис миян радьясти.

Винтовкаяс водзö чургöдыштöмөн, боецьяс тшын-
йöны чукöрыс вылö... Сэни бöбмисны. Унаөн уськөд-
чисны пышйыны кодi кытчö веськалi. Мукöдьяс
век на водзö лыйсисны... Пöшти ставныс шыблалiс-
ны винтовкаясныссö да сулалiсны, виччысисны выв-
лань лэптöм киясөн. Гөгөр зиньгöны пуляяс, то
сэсь, то тась жертваяс нетшкөмөн. Медводдза мортъ-
яс пöвсысь öтиөн, веськыда кымöсас инмөмөн, вöли
виöма Леонтий Щеткинöс.

Друг плетень дорсянныс торйöдчисны морт веты-
мын кымын да уськөдчисны миянлы паныд... Тайö
заставитис бөрвыв довкнитчыны миян водзынмунысь
цеплы. Сутш кезлö лолiс дзугсьöм, но Ковалев сетiс
нин гора выль команда:

— Водзö, ёртьяс, водзö, ура!..

И чепöсйисны красноармеецьяс, быттö дур-
мөмьяс... Пөрöдiсны налы паныд котөртись белöй
салдатьясöс, нырисны найöс ас уланыс—водзö ни-
нөм сэсся оз вöли тыдав...

Кор тайö ветымын мортыс уськөдчис плетень
дорсянь, сийöяс, кодьяс шыблалiсны винтовкаяссö,
колины вөрзьöдчывтöмөн да на бөрся эз котөртны:
найö сулалiсны да вывлань чургөдöм киясөн
виччысисны пöщада. Краснöй боецьяс кытш пиö
босьтiсны пленникьясöс. Пыр жö вөтлiсны найöс
мөд местаö, сулалiсны, эз вөрöдны... Шыблалöм
оружиесö чукөртiсны, тэчисны чукөрö, а некымын
минута мысти вайöдiсны подводаяс, сөвтiсны да ну-
исны береглань. Быдлаын, кытчö он видзöдлы, туп-

лясьоны раненыйяс—лөвтөны, киргөны, мукөдыс горзөны дойысла... Вөлөмкө, тайө ветымын-ө-квайтымын белөй салдатыс вөлөмаось мыйкө мындаыс офицерьясөн, мыйкө мындаыс—алексеевьясөн. Пощада налы некодлы эз вөв.

Мукөд пленнойяссө вөтлісны баржаясланы.

Чобот, коді аслас эскадронас писькөдчис станица сайө, муніс дзык камышьяс дорөдз, тшөктіс чеччыны вөвьяс вылысь да виччысис. Сы дінсянь разведчикьяс морт дас кымын нюжөдчисны, водалісны цепөн станицаөдз да өти мөдлы висьтавлісны, кызди сэтөні уджыс мунө, мый тыдалө, мый кылө.

Кытчөдз белөй салдатьяс өткөн-өткөн пышйисны, Чобот эз кыпөд ассьыс йөзсө да зарадсө прөста эз видз, ассьыс местасө эз явит. Збыль, мукөд пышйысьяс асьныс локталісны татчө жө, камышьясланы: найөс горзытөг куталісны да колялісны ас орданыс... Но сөмын на ковалевскөй атака решитіс делөсө, гарнизонлөн колясыс уськөдчис пышйыны станицаысь да веськыда туй вылө, юланы, пыжьясөн вуджны сы вомөн да мөдар берегас дзевсьыны надейтчөмөн. Тайө здукнас эскадрон чеччыштіс вөвьяс вылө да камышьяс пөвссянь уськөдчис пышйысьяс вылө. Лои мыйкө эскытөмтор. Белөйяс ниөти эз виччысьны таладорсянь уськөдчөмсө. Найө чепөсйисны боквыв, разөдчалісны берег пасьтаыс да кызвыныс котөртісны сійө месталаны, көні вөйдөр сулалісны пыжьяс. Пыжьяс эз вөвны. Чоботлөн йөзыс нуөмаось найөс мөдлаө. Пышйыны вөлі некытчө. А верзьөмаяс быдлаын югьялісны пышйысьяс пөвсөд да немжалиттөг виалөны найөс, пөшти некутшөм водзсасьөм паныдавтөг. Унаөн уськөдчисны ваас, вартчөмөн мөдар берегөдзыс вөдчыны чайтөмөн, но этша кодлы удайтчис вуджны: миян пулемөт лыйліс ва кузяыс да виаліс пышйысьясөс—унджыкыс мунісны Протока ю пыдөсө. Ызьөм Чобот югьяліс-ветліс берег кузяыс, но ачыс эз керав и эз вөтчы—сөмын индаліс боецьяслы,

кытчө дзедьсёны, кытчө чукөръясөн пышйоны дур-
мом неприятельяс. Чобот ставсё вёлі аддзё да от-
пырйё казялө быд бокусь, кыдзи шыбласис враг да
кытысь сйё корсис спасение.

Бытьё степывса дикой наездник, шашкасё
перйомон помыш помө скачитис-ветлис Танчук. Сйё
важон нин воштёма шапкасё, да съод кудриа юр-
сиясыс төлалёны төв йылын.

Сйё эз төд ни эз кыв некутшөм команда, ачыс
бөрйивлис аслыс жертвасё да уськөдчывлис сы вы-
лө кырныш моз, лямөдлис да кералис немжалиттөг.
И кор ставыс нин эштёма вёлі, асланым жё стре-
локлөн шальной пуля жугөдис Танчуклысь шуйга
кисё. Сйё эз горөд, эз ойзы,— сөмын ёрччыштіс
чорыдсьыс-чорыда да чеччыштіс верной Юсь вывсьыс.

Бой помасис...

Мыйдта тані виёма йөзөс, мыйдта найё пөгибни-
тісны Протока ю пыдөсын, век кежлө кольё төдтө-
мөн. Сөмын кодсюрө отка пышйысьяс вевъялісны
воштысьны камышъяс дорөдз да дзедьсьыны на пөв-
сё, унджыкыс пөгибнитісны пышйиганыс. Вёліны
случайяс, кор белогвардейской офицеръяс пасьта-
съявлісны нывбаба паськөмө, татшөм ногнас зілісны
камышъяс пөвсё дзедьсьыны, но кавалеристъяс эз
лэдзны некодөс, куталисны маскируйтчөмъясөс да
„колялісны“ найөс сэтчө жө, места вылас. Кык час
мысти станица вёлі красной десант кыин.

Бой заводитчигас вичкодорса площадь выв-
сянь качөдчис неприятельской аэроплан да лэбис
Ново-Николаевскойлань веськөдчөмөн, көні вёліны
белойяслөн частьясыс. И бой дырйи, и бөрас ста-
ницаса садьясянь да йөрьясянь, керкавывса
чардакьясянь, турун юръяс сайсянь и кузь турун
пөвссянь век лэбисны шальной пуляяс: сэтшөм
недружелюбной встречайтіс станицаыс красной
гөстьясөс.

Тайё асья бойын вёлі босьтёма сюрс гөгөр
пленнойөс, морт нелямын кымын офицерьясөс, бро-
нированной грузовой автомобиль, пулемётъяс, вин-

товкаяс, снаряжьяс, лекарствояс тыра обозьяс, канцелярияса печатьяс, личнōй офицерскōй документьяс да с. в.

Сэк кості пароходьяс да баржаяс матыстчисны дзик станица дінōдз. Вōлі грузитōма пленнōйясōс и трофейяс; сэн жō тōлпитчисны нōсилкаясōн, кодьяс вылын куйлісны раненōй красноармеецьяс, кодьяс унджыкыс пострадайтисны штыковōй атакаын.

Водзō дзик яснō вōлі, мый неприятель, тылын катастрофа йылысь лётчиксянь юōр получитōмōн, зіляс дзикōдз мунны, либō ыстыны станицаō ён частьōс, коді эськō вермис водзсасьны краснōй десанткōд.

Неприятель бōрйис первойсō: нуис ассьыс частьяссō позиция вывсьыс да Ново-Николаевскōйсянь (а сэсся и мукōд пунктьяссянь) вōрзис Ново-Нижестеблиевскōйлань, мореысь дзикōдз вундōмаōн лоны полōмōн. Татōні сьлōн вōлі куш ōти туй Ачуев вылō, и сійō тэрмасис мунны сэті, кытчōдз краснōй десант эз закрепитчы тані прамōй ногōн да нōшта кытчōдз эз на ло содōма выль, гашкō, бōрвывтыс кывтысь частьясōн.

Неприятельскōй фронт тайō каднас сулаліс Чертолоза, Старо-Джерелиевская, Ново-Николаевская, Пискуново, Башты, Степнōй да Чурово станицаяс линия кузя.

Дрōгмуні нин неприятельскōй позиция, вōрзис сійō да ōдйō тюрис морелань. Неприятель бōрынтьчис бōрō, сійō каднас главнōй силаяс мяян, коді сулалісны неприятельскōй позицияяслы паныд, кутісны вōтлыны да нōйтны морелань бōрынтьчысь врагōс. Краснōй десантōн босьтōм станицаын бой эз заводитчы сэтчōдз, кытчōдз Ново-Николаевскōйсянь эз воны белōйяслōн выль частьяс.

*

Медвойдōр на пōвсысь воисны: своднōй Кубанскōй кавалерийскōй полк, Полтавскōй пехотнōй да Запорожскōй полкьяс, генерал Науменколōн тōдтōм

часть да генерал Бабиевлон кавалерийской корпус-а частьяс, кодъяс повсын воли и Шкуролон коин дивизионыс. Красной десанты воли вывти събыкыд водзсасыны татшом гырысь вынъясон личкомкод; сылон могон они воли коть мый лоа-а кутны неприятельос аслас главной вынъяс вотодз, пыр тревожитны неприятельос, торкавны сылысь муномсо, беспокоитны сийос частичной косьон паныдасъломъясон да видзны найос зэлодчом состояниеын. Луншоркадын, зэв ен вынъясон личком улын, миянлы лои весавны дорса кык уличсо, кодъяс воли муноны асывыввсянь рытивыввланьо; тайо уличъяс кузя мунисны неприятельлон главной вынъясыс. Вылысь пансис бой.

Неприятель пыртис уджо кык бронированной автомобиль. Но положениеыс сылон воли вывти сложной: красной десант выло личкиг, сэк жо сийо эз вермы пуктыны сы выло ассыс торъя внимание да сетны станицаын прямойджык бой; тайос сийо оз вермы вочны сы всна, мый мышсяныыс вотлисны да личкисны на выло миян главной вынъяс, кодъяс на борыввти ворзисны асланыс позицияс вылысь. Ылын, Ново-Николаевскойлабоксянь, кыло нин воли артиллерийской лысьсом: тайо волины красной бригадалон батареяяс, кодъяс термасисны отлаавны ассыныс действиеяссо красной десант действиеяскод. Нель час гогор станица динын чукормис уна вражеской вын. Тыдало, сэни решитома воли поавны красной десанткод да шыбытны сийос Протокао. Неприятель восьтис ураганной артиллерийской би да цепон мододчис наступлениео. Тайо активной да вын вылысь воомыс заставитис миянос борынтчыны юлань.

Со красной боецъяс энвотисны луд, вешыисны ю сайо, а неприятель пыр локто и локто...

Воли ясно, мый ношта борынтчомон десант вермас погубитны асьсо дзыкодз.

Артиллерияса командир Кульберг ерт быдса кумим час нин эз лэччыв дуб вылысь. Сатшкысьома сэтчо, сюзь моз, вылыс ув вылас, ляскодчома ны-

лөдөм кымөснас көдзыд уль пу бердө да пыр видзөдө бинокль пыр, кыдзи гылалөны миян снарядъяс. Батарея сулаліс сәні жө, некымын воськов сайын, да Кульберг дуб вывсянь веськөдліс лыйсьөмнас, команда сеталөмөн;

— Трубка сё, прицел өкмысдас вит... Трубка сё, прицел өкмысдас сизим!..

И кор чудовище вөлі йиркнитас, а снарядыс шутьөстөмөн да лөвтыштөмөн нетшыштчас пушка вомсьыс, Кульберг гаркнитас вөлі да кинас нетшыштөдчас сыладор бокө, кытчө сійө саяліс.

— Вывті бур, вывті бур,—горзіс сійө вылысянь,—дзик горш шөрсө сираліс!.. А нолтө нөшта таштөмөс жө... Да өдийөджык, ёртъяс, өдийөджык... Өд котөртны кутісны!—и синъяснас бинокль пыр, сійө сатшкысис луд помланьыс, көні качөдчисны бус сюръяяс, а насянь разнөй бокө гизьмуніны да котөртны кутісны йөз.

— Нөшта стөканчик!—вылысяньыс водзө горөбтивліс сійө, кор артиллеристъяс тэрмасьөмөн зарядітөны вөлі орудие: өти вөлі мыччө снарядсө, мөд сүйө сійөс пушка вомө, коймөд пезьдөдө. Тадзи лихорадочнөйөн лыйсьөмын Кульберг вунөдывліс кад йылысь, мудзөм йылысь, вунөдывліс ставторсө. И өні, кор неприятель локтө вөлі наступайтөмөн да матыстчө вөлі пыр матөджык и матөджык сійө месталань, көні сулаліс миян батарея, Кульберг эз и мөвпышт местасө вежны, эз вөрзьөдчы, быттө сибдөма дуб ув бердас.

Пыр ёсьджыкөсь, пыр оръясянаджыкөсь сылөн приказъясыс, пыр тшөкыджыка сійө вежлалө прицелсө, гораджыка сетө командасө... А пушкаяс дінын—ёна мудзөм артиллеристъяс; пыр тшөкыджыка мыччалөны снарядъяс, лыйлөны локтысь враг кузя...

Луд вылын, Протокалань петанінын, сәні, көні өтлаасьөны кык туйвеж, камышьъясянь неылын, вөлі сувтөдалөма пулемётъясөс, да пулемётчикъяслы вөлі сетөма мог—либө пөгибнитны, либө кутны врагысь наступайтысь цепьяссө.

Пулемётной вѡвъяссѡ юрнаныс бергѡдѡма юлань. Тачанкаяс вылын, щитъяс сайын, копытчисны пулемѡтчикъяс. Ми найѡ бѡрвылын вѡвъяс вывсянь кутам бѡрынтчысь цепьяссѡ. Аддза Коцюбенкоѡс—сійѡ быттѡ спояйтчѡма пулемѡт бердас, кутчысьѡма сы бердѡ кыкнан кинас, малалѡ, видлалѡ дзѡран чуньяс-нас, ставыс-ѡ пѡрадокын.

Неприятель тыдалѡ нин, сійѡ сѡтшѡма жѡ вын-вылысь пыр локтѡ водзѡ.

Но, молодец-пулемѡтчикъяс, ѡнѡ тѡян вылѡ став надея: ловйѡн лоанныд—кутчысям, а онѡ кѡ кужѡй сувтѡдны врагѡс—медвойдѡр пѡгибнитанныд враг штыкъяс улын!

Кутшѡм матынѡсь нин неприятельскѡй цепьяс! Вот найѡ валитасны луд вылѡ...

Тайѡ каднас, вунѡдлытѡм трагическѡй минутаясын, кор десант вѡлѡ нин быттѡ ѡшалѡ юрси йылын, пулемѡтчикъяс восьтѡсны эскыны позьтѡм, ставсѡ бырѡдана би.

Минута... кык...

Инерция серти нѡшта локтѡны на вражескѡй цепьяс, но дрѡгмунисны нин найѡ, сѡсся сувтѡсны, водалѡсны... и муртса сѡмын кыпѡдчыштласны—найѡс паныдалѡ сійѡ жѡ эскыны позьтѡм би...

Тайѡ вѡліны переломной минутаяс—абу минутаяс, а мигъяс. Красной цепьяс сувтѡсны, збодермисны и асьныс мѡдѡдчисны наступлениеѡ. Делѡлѡн видчысьтѡм бергѡдчѡмыс тѡлк вывсьыс, дзугис неприятельѡс, да белѡйяслѡн цепьяс заводитѡсны бѡрынтчыны. Положение вѡлѡ бѡр ладмѡдѡма.

Сійѡ каднас пос весьтын, кѡнѡ вѡліны неприятельскѡй войска, мыччисис разрывайтчан шрапнельяслѡн муткырасян тшыныс. Оз позь висьтавыны сійѡ нимкодълунсѡ, кодѡ шымыртѡс боецьясѡс да командирьясѡс, кодъяс аддзисны асланым красной бригадалысь тайѡ еджыд муткырасян тшынсѡ: тайѡ асланым йѡз локтѡны вѡлѡ отсѡг вылѡ, найѡ абу нин зѡв ылынѡсь, найѡ оз сетны пѡгибнитны мян десантлы...

Збодермём да нимкодёмём красноармеецъяс выльысь заводитисны тревожитны мунысь неприятельскöй войскаос.

Тадзи нюжаліс дзик войёдз, пемыдёдз. Заводитлім эськө йитчыны матыстчысь краснöй бригадакөд, но зільёмъяс вöліны неудачнöйöсь: десант костын да матыстчысь краснöй частьяс костын вöліны сук неприятельскöй массаяс. Плавнияс да лиманъяс эз лэдзны öтлаасьны кытшола туйöd.

Вой кежлө неприятель решитіс кольччыны станицаын, медым эськө аслас помтём обозьяслы сетны позянлун водзö морелань вешйыны. Краснöй десант решитіс нуöдны войся атака.

Вичко саяс, станицаса площадьсянь неылын, сук садйö, Чобот дзевис ассыс эскадронсö. Сылы водзö баравöлі удж вьль обстановканы, пемыд войшөркадын. Боецъяс расположитчисны турун пöвсö, куйлісны чöва.

Вövъясöс вöлі домалöма сад шöрас льөмпуюс да яблоньяс бердö. Дорса пуяс вылө, потшöс доръясö—быдлаö увъяс пöвсö дзевсялісны наблюдателяс. Чобот помысь помödз ветлөдліс сад кузя, чöва видзöдаліс куйлысь боецъясöс, вövъясöс прöверайтис увъяс вылын пукалысь дозорнöйясöс.

Шоръяс дорын да водзö аллея кузяс водалісны миян батальонъяс. Ставныслы вöлі нин висьталöма войся атака йылысь. Турун зорöd улын куйлігөн вöчлім командиръяслысь неыджыд совещание. Тайö каднас пароход вывсянь вайисны сёянтыра зэв ыджыд чугуны,—кыпөдчалім, пуксялім кытшөн, тшыг кöинъяс моз уськөдчим сёян вылө—дзик асывсянныс воманым весиг ва войт эз вöv. Зорöd дорланнын сулалысь боецъяс матыстчалісны пыр матөджык и матөджык—сёяныд кыскö вöлі магнит моз. Сöмын вот беда—паньяс абуöсь: йирөм доръяса, лёкыник кык паньыд ставнымлы оз судзсы. Но и сэн мудеритчим: коді пуртөн, коді муртса на вöчыштём пу зырторйөн коялісны пöртйысь веськыда

воманыс. Регыд пёртсё ректім кушөдз. Заводитім куритчыны, гажаджыкось лоим. Збодермыштім.

Стөч войшөркадын решитөма вөлі нуөдны атака, а сацийө дзебөм эскадронлы тшөктөма вөлі колан минутө чепөсйыны засадаысь да друг уськөдчөмөн нөшта содтыны паникасө неприятельскөй радьясын.

Бөрйим храбрөйджыкьясөс, тшөктім налы кыссыны станица пытшкө да дас кык часын öзтыны вит кымын керка, а ыджыджык результат ради, мыйөн муртса заводитчас пөжарыс, шыблавны бомбаяс.

Медводдза биыскөд тшөтш жө долженось кучкыны став орудиеяс, заводитны уджавны став пулемётьяс, а стрелокьяс, неумын залп сетөм бөрын, долженось гораа горзыны „ура“, но бойө не пырны, кытчөдз оз төдмавсьыссы противниклөн состояниес.

Заводитчисны виччысьөмлөн кулөм-лөнь минутаяс. Гөгөр шынитөв—и миян шынитөв, и неприятельлөн. Татшөм пемыд войнад сьөкыд вөлі виччысьны атакатө. Йөз, кажитчис, ветлөдлісны кокчунь йыланис. Сёрниталисны вашкөдчөмөн. Ставөн виччысисны.

Со дрөгмунисны медводдза бияс, качөдчисны станицаянь гөрд юөртысьяс, өтпырийө өзйис неумын керка...

Сийө жө кадын краснөй боецьяс пельөдз воисны взрывьяслөн глухөй шыяс—тайө миян öзтысьысьяс шыблалісны бомбаяс. Мый лон здук мысти—не висьтавыны кывьясөн! Отпырийө йиркнитісны батареяяс, варовмисны пулемётьяс, тэрмасьны кутісны, залпьяс нетшыштчалісны өти-мөд бөрся.

Кутшөмкө йиа, безумнөй „ура“ сатшкысис сьөдпемыд вояс да немжалиттөг поткөдіс сийөс. „Ура!.. ура!..“—тюрө вөлі станица вылө страшнөй грөзба.

Неприятель эз выдержит, шыбытіс шоныд местасө да уськөдчис пышйыны. Тайө минутанас засада-



Тайо минутанас засадасыс лэбыштис сэтчө дзэбсьылӧм
кавалерийскӧй эскадрон...

сьыс лэбыштіс сэтчө дзебсьылөм кавалерийскöй эскадрон да помаліс серпассö.

Сотчан керкаяссиянь вачкан би дырйи тайö перйöм шашкаяса скачитысь всадникъясыс, тайö öтарöмöдарö шыбласьысь, дурмөм йöзыс кажитчисны каститчысьясөн. Неприятель водзсасис ладтöг, котыртчытöг: заводитліс лыйсьыны, но эз аддзы ассьыс врагöс, көсйис кутсьыны места вылас, но эз тöд, көнöсь аслас вынъясыс, кызди да кытчö найöс чукöртны. Эз дыр нюжав уличывьса кось.

Станицасö выльысь лои тырвыйö весалöма.

Станица саяс неприятель разöдчис плавнияс да камышъяс пöвсö; сöмын асыввöдзнас чукöртчис коляс вынъяснас, но станицалань сэсся эз нин волы, а веськöдчис морелань.

Нöшта войнас на, бой бöрын пырысь-пыр, станицаö пырисны миян заставаяс, но ставнас десант пырис сэтчö сöмын кыа петігөн. Выльысь вöлі йөрьяссиянь да садъяссиянь лыйсьöм, выльысь станичникъяс недружелюбнöя встретитісны краснöй воысьясöс...

Мыйöн югдіс, кутім чукöртны да мөдöдавны баржаяс вылö выль трофейяс: бронируйтöм автомобиль, легковöй генеральскöй машинаяс, пулемётъяс, траншейнöй орудиеяс, снарядъяс, винтовкаяс, патронъяс...

Сійö каднас Николаевскöйладорсянь пырис станицаö краснöй бригада; сылы и вöлі сетöма пышйысь прöтивникöс водзö преследуйтан мог. Десант ассьыс могсö пöртіс олөмö.

Гажаа, сьылөмөн грузитчисны баржаяс вылö красноармеецъяс, медым бөр катны.

Быдөн вöлі гөгөрвоö, кутшöм ыджыд да колана удж вöчöма. Быдөн нöшта пыр на оліс пыдыса драматическöй переживание көлясьясөн.

Суднояс вөрзьöдчисны берегсянь. Гора сьылөм садьмөдіс лиманъяслысь да камышъяслысь лөнълунсö. Вот тайö местаяс дінті, сöмын тöрыт на, кыа

петігөн, сук ру пыр, гуын кодь чөволөмөн, кывтіс-ны красной боецъяс тыра суднояс... Нөшта некод на эз төд, кыдзи бергөдчас рискуйтана операция, некод эз төд, мый виччысьо сійөс берег вылас...

Өні, бөр катігөн, боецъяслөн асланыс радъясас оз вөлі судзсьыны некымын дас бурджык ёртъясыс.

„Благодетель“ вывса вылыс палуба вылын, койка вылын куйлө дрөбалөм киа быгыд чужөма Танчук да надзөник-надзөник ружтө. Ыджыд братскөй могилаын, дзык камышъяс дінын нэм чөж кежлө унмовсьөмөн куйлө көрт командир Леонтий Щеткин.

Мыйөн вөлі казтыштласны усьөм ёртъяссө, ставөн ланьтасны, быттьө сьөкыд думыс вөлі виө ловъя кывсө. А сэсся, мыйөн прөйдитас чөволөмыс, выльысь серам, сьылөм, выльысь гажа нимкодълун, быттьө нинөм эз и вөвлы тайө колян луннас да войнас.

Державна
НАУКОВА БІБЛІОТЕКА
ім. Короленко Харків

С. № 48715
19 28 40 р.
IV

94820


Д. ФУРМАНОВ
КРАСНЫЙ ДЕСАНТ

На коми языке

ДЛЯ СТАРШЕГО ВОЗРАСТА

Редактор *Г. Терентьев*. Технич.
редактор *М. Шестаков*. Перевод
Ю. А. Поповой. Сдано в производство
8/1-40 г. Подпис. к печати 4/11-40 г.
Формат 60 × 92, $\frac{1}{16}$. 2,4 печ. листа.
1,5 авт. лист. Уч. издат. лист. 1,7.
Тираж 3000 экз. Уполн. Главл. № 874.
Издание № 77. Заказ типогр. № 64.

Типография НКМП Коми АССР,
г. Сыктывкар, Дом печати.



Доныс 70 ур.

10670